

III.

REGNUM MORTUORUM.

Nro. 79.

Politica Mortuorum Colloquia.

Elysium-Memm.—Die Veneris 17 Oct. 1809. (Neov. 31, Oct. 1809.)

— — — Ubique
Luctus, ubique pavor.

Virgil.

Confabulantes Umbrae.

Germania. — Unus ex Penatibus.

Unus Penatum. Formido malum, Mater! formido, omnes nihil boni onisamur.

Herm. Quæ formido? quod omen? — an ignoras esse pacem? —

Penat. Quem hoc lateret? dilecta Genetrix! ita est, ita, pax est; quid ex nobis fiet?

Germ. Semper tutelares familiarum, provinciarumque manebitis — pace sola Penates pristinis suis functionibus restitui poterant; ea hodie adest — nolite quærare arma, ut ea comparata sit, — bene ei dicite, & hilari animo este.

Fenat. Mater! tam frigido nos animo in caram patriam ferri, tanto nostri amore teneri arbitraris? nos noceamus, solatium apud te quærimus, — & tu! —

Germ. Volo solari vos — audi, sis, princeps Fenatum! exopte, quod tibi pro solatio dicere valeo: — adversi casus, qui integram

gentem afficiunt, plerumque non vacant propria ipsi culpa; ejus vitium est, quod crucietur. Fit, ut singulares mala afficiant, quorum auctores alii homines, at vero integre gentes quæ culpæ experte animo legem libertatemque custodiunt, malis tantum corrigi possunt, quæ opus naturæ, & nulla humana prudentia prævideri possunt. Damna quæ nationes ferunt, indicium sui carcinomatis quo gens universa laborat, — si gentes callent, ubi morbus sedem habeat, dum spes quoque affulget, malo eas remedium allaturas; hæc ratio est: quod quævis eximia, æstimationeque digna natio salva ex procellis, quibus exagitantur, postliminio prodiverit.

Quantumcunque malum sit, non est ut animum despondeat. Robusta ejus natura, nobilis animus, ejus promptitudo decernendi cuncta vincit quæ horrida eam corripunt. Non desperat de se ipsa, & is, quem, totus si illabatur orbis, impavicum ferunt ruinæ, is inquam salvus jam est. Is fortuna ipsa præstantior, potentiorque est eo, quod hostiliter eum contere minatur. Animositas constantisque non honorem modo genti, verum & salutem ferunt.

Gens, quæ adversa fortuna usa est, novit sinistrum fatum suum ex defectu unionis, abacritatis & patriæ amoris promanare; singularem hominem non semper experientia emendabit, at gens tota, quæ Scholam infortunii subivit, quod ratio in ea dominetur, etenim non id, quod levi mente præsentia

pervidet, seque fruitioni dedit, gentem efficit, sed quod nobili & proba ratione vulnere indagat, quæ fatum patriæ inflixit, quodque incunctanter iis medendo operam dat, gens adulari debet, quemadmodum inanis, vacua, & artificiosis verbis consarcinata blateratio Philosophia nuncupari nequit, ita levis turba, gens nequaquam dicenda est. — Hæc tempestate prætereunte renascitur, at illa perseverat in sua contumacia, quin cogitationem adoptet excelsa eximiaque evadendi ut homo, libertatem fortitudinemque, qua civis adipiscendi. — Sinistra fortuna quosvis probos viros conjungit, illucenteque ferendæ salutis articulo, manus mutuo sibi porrigunt, sacramentumque nuncupant: jus sancte custodiendi, constanterque promovendi, quod omnibus conducit, solerti opera conitendi in argumento voluntatis scientiæque, nec usque quiescendi, quo sancta lex universis moderetur, omnium sortem dirimat. — Id genus viri nullo unquam tempore fide in humanitatem destituuntur; inque lætiorum germinationem ejus quod ei faciendum incumbit. — confidunt hominibus, quod se emendaturi, prudentioremque rationem initari sint, credunt communi humanæ rationi, quæ se in nihilum redigi nunquam sinit, verum eo potentius prodit, ut primum articulus temporis vdest, confidunt Numini, quod juste arbitratur, sapienter moderatur, omnia ad optimum dirigit finem. His viris gens constituitur, neque unquam natio interit, in qua singuli hanc cogitandi rationem prodidere.

Penat. Hæc amata genitrix! verba consolationis, opprobrium vulnere moerentis sunt.

Germ. Prout fata hominum, ita & sortes Statuum in libro providentiæ adnotatæ habentur. Patria nostra exacta octodecimale sæpe interrupta, rursus coepta ludæ eo pervenit, ubi meta ejus reventiæ posita erat, Nihil amplius profligandum restat, quod adhuc supererat, armis succubuit. Jam nunc quies, diuturna quies ob defectum possibilitatis renitendi consequitur: & sola quies est, quæ Penates, provinciarum, & familiarum tutelares priori civitati restituere valet. Securi posthac patres familias Germani officia sua exercebunt, nullum bellum Germaniam deinceps conturbabit, quod resistentia mente percipi amplius nequeat. Nunquam Germaniæ ridentes segetes hinnientes conculcabunt equi, floreant ex utiliter, nec ingratus hospes sylvas devastabit, agros depascetur amplius, Messis integra familiæ obtinget, industriæ cuiusvis præmium manebit. Codex legum peregrino antea idiomate scriptus, doctis solum intelligibilis, patria lingua vulgabitur, quivis in eo juris decisionem sui reperire, causæ suæ consulere ex eo poterit. — Jus Romanum est, quod tamdiu apud omnes gentes auctoritatem adeptum, ob defectum ignorantiamque latinæ linguæ obscurum iis erat, brevibus capitibus intelligendi gratia congestum. — Aequalitas legum, uniformitas præstationum, absque discrimine, olim quæ obtinuerunt, exemptionum,

& privilegiorum, aliud est beneficium novorum, qui hodie panditur, ordinis. — Fortassis bellum isthoc ultimum in Germania erat; forsitan pax hæc perpetua, pax tam anxie quaesita, tam ardentibus multorum votis expetita in Germania erit. Erat quidem tempus, quo Germania plurimis Europæis Statibus principes suos imperantes dedit; momentosus hic eventus multa germanicarum virium imperia stetit; omnia fluxa sunt in hoc orbe; dominatus prærogativæ migrant in eo, ut commercium, scientiæ, & artes. Hodie alius Status hanc præcedentiam vindicavit, alius Status Europæis ditionibus imperantes ex sua Dynastia præbet. — Omnia in hoc orbe mutationi patent. — Germania hodie est — foederativus Status, Systema Civitatum, unica felix regiminis forma, si ea potente, ut hodie obinet, præsidio defendatur. Gaudemus itaque de præsentis duabus, occasione adversitatis adprehensis prærogativis: diutina quiete ex defectu renitentia, atque civili vitæ accommodata æqualitate in committenda Theutonica gente, — Hæc sunt, quæ Germanis Penatibus, fratribus tuis, pro consolatione nunciare potus, dicito a Germania, hodierna Germania, hanc illis mitti consolationem.

Penat. Bene est! optime est! lubens eam annuntiabo; memorabo fratribus meis, hem! ut gesticent! ut lætabuntur! festino.

Germania postmodum Germanicas manu adprehendit Ephemerides, & seqv. legit:

Parisii die 26. Oct. Monitor hodie nunciatur: Constant ex Præside perpetuisque Secretariis 4 Classum Instituti Collegium (Sury) quod ab Imperatore mandatum accepit referendi de scientificis artisque operibus, dignis decernenda ad præmia concurrendo, nudius tertius Excel. ministro negotiorum interiorum relationem fecit.

Eadem pagina Excerpta textit ex Anglicanis Diariis usque 7. Oct. quæ quibusdam animadversionibus illustrat. In una harum in relationem Anglicani scriptoris: Imperatorem serio ægrotasse in FonteBellaqueo (Schönbrunn) videri, hæc memorantur: Imperator nunquam ægrotabat, nec levissima tentabatur valetudine. Archiater Corvisart Bellofontem profectus quidem, quin ejus opera Imperator egeret. Iudicia dissenteris in exercitu adperabant, in quo argumento sententia principis Medici optabatur. Indicia prospere; & velociter præteriere. Interes quo falsus de valetudine Imp. rumor spargebatur, 50 horarum pene iter uno die emensus est. „Altera animadversio sic sonat:” Hoc nuncium (Gallorum adparatus in Sud Bevelandia admodum deficere; viderique: Napoleonem copias a Soaldi ad Danubium avocasse) paulillo ridiculum est; quis bellicas adversus Austriam, & ad Danubium vires insufficientes, Antverpiaque advocandas crederet? — October, Novemberque exitiales in Insulis Zelandiae menses sunt, proin natura rei loquitur: Gallicos Duces exercitum Anglicanum

impeitia & ignorantia perditum ibidem sorti suæ relicturos, interea quo stationes suas ad benigniora salubrioraque loca traducunt."

Vindobona die 21. Octob. Heri a meridie seqv, Edictum promulgatum est: „Publicæ hisce notitiæ datur: permutationem Ratificationem pacis inter S. Maj. Imperatorem Austriæ, Hungariæ, & Bohemiæ Regem; & S. Maj. Imp. Gallorum & Italiæ Regem conclusæ hodie antemeridie locum habuisse. Viennæ die 20. Octob. 1809 Subscr. *Rudolphus C. a Werbna Cae. Regius Austriacus plenipotentius aulicus Commissarius,*

Parisii 27. Octob. Nudius tertius plus, quam 60 Cistæ litterariis artisque operibus ex provinciis novissimo bello occupatis isthuc advectæ.

Sua Maj. sequens Decretum edidit: Napoleon Dei gratia &c. Districtus Villach, Carniolia, Austriaca olim provincia Istria, provincia Fluminensis, Tergestina sub nomine littoralis notæ ditiones, pars Croatia, & quidquid in dextra Savi ripa celsum est, Dalmatia cum adsitis Insulis — adpellationem deinceps Provinciæ Illyricæ consequentur.

(Illyricæ provinciæ numerum Incolarum unius millionis efficiunt, utpote: Districtus Villach: 108 □ miliaria, Incol. vero 117815. Carniolia 233 □ 433,000 Incolas; Tergestum, Flumen, littorale & Istria 32 □ & 90,000 Incolæ; Croatia Trans-Savana circiter 80 □ cum 200 Incolarum millibus; Dalmatia cum adnexis, Incolas 370,000 complectitur.

Altero Decreto D. Status Consiliarius
Douchy Procurator (Gen. Interdens) rei arar-
iæ in provinciis Pace Viennensi cællis Illyri-
cis denominatur.

B I O G R A P H I A.

Penates. Hoc nomine insigniebantur tu-
telares genii, curam familiæ, imo provinciæ
integræ & urbium gerentes, quamobrem eos
in majores, & minores eos dispescere pla-
cuit. Ratio eos representandi variat. Ipsi
vivescentes adhuc ad dignitatem Penatum elati.
Moris erat in eorum templo Romæ, in quo
statuæ eorum conditæ erant, ista foedera con-
firmare, ad indendum ea solemnitate iis
sanctitatem.

Germania. Quis ita peregrinus, & hospes,
ut veterem non noscat Germaniam? hodie
junior reddita Germania cum tempore primo
adumbrari, vitæque ejus describi poterit.

In hac Typographia Belnayana novissime
præclum deseruerunt.

**Principia Politicæ, & Rei arariæ &c. latine
reddita a Volfg. Beke, Tomus III. 2 fl.
(totum opus 6 fl.)**

**Schelle Historia Univ. latine Tomus II. 2 fl.
30 xr. (totum opus 5 fl.)**

**Georch (Elia) Jus patrium, Tomus III. 1 fl.
15 xr. (opus totum 5 fl.)**